

Te mataora nei matou i te reva e te ora'anga meitaki o Queensland nei. Tera ua ra, ko te au turanga natura manamanata mei te matangi puaioio, te uria e te vai puke, e au turanga tinamou teia i konei. Kua oti i te au mea tei tupu ana i mua i te akaari mai e, auraka matou kia noo vare ua i te au tumatetenga ta teia au manamanata kino pakari ka akatupu.

Akamata'ia i teia taime tikai i te teatea-mamao no te au ino pakari viviki te ka tupu ake na roto i te:

- Teatea-mamao'anga i ta kotou Parani no te Tuatau Kino Pakari Viviki.
- Teatea-mamao'anga i ta kotou Ko'u Apinga tauturu no te Tuatau Kino Pakari Viviki.
- Teatea-mamao'anga i to kotou ngutuare
- Akatangi akarongo'ia atu te au tuatua akamatakite'anga

Ko teia au tuanga angaanga mama ua i te rave te ka riro i te tauturu ia kotou kia papa, kia ora e kia iti te au kino ta te turanga natura manamanata kino pakari ka akatupu.

E tau kia akateatea mamao koe i toou ngutuare i muaake i te tuatau o te uria e te tuatau o te ua maata.

Teia tetai au manako ei tauturu ia kotou i te teatea-mamao'anga i to kotou ngutuare e to kotou au apinga kia iti mai te kino te ka tupu.

1. Te au akatinamou'anga i te turanga meitaki o te ngutuare

- Akara akapapu'ia te turanga o te ta'u'u o te are ma te riepa atu i te au tiles mataratara, te au taupare, e te au naero o te ta'u'u are.
- Tāmā'ia te au arā vai e te au paipa akata'e vai ki raro, kia ta'e viviki meitaki ua te vai;
- Tipupu aere ia tetai au atava tumu rakau, e te au atava roroa e aara takupe ra kī raro (e kia matakite koe i te au raini uira e tautau aere ra); ma te
- Tapeka meitaki i te au apinga e vai mataratara aere ra i roto i te kainga e te aua tanutanu, te ka riro i te akatupu i te kino me puipui aere ia e te matangī ririnui (mei te au apinga ngutuare o te au a tanutanu e te au apinga kangakanga a te tamariki).

2. Te au akapapa teatea-mamao'anga o te ngutuare

- Akapapu meitaki ia e, te tau meitaki ra i te turanga tuatau o te insurance o to kotou ngutuare, o te au apinga ngutuare e to te motoka, e ka rava te reira insurance i te tutaki kia rava meitaki no to kotou au apinga – akara'ia atu kia kite kotou e, me ka peke katoa i ta kotou policy i te tāmā ko'i'anga i te titi e te apai katoa anga ki te ngai titiri titi.
- Kimi akapapu'ia e, ko teea te pi'a matutu rava atu o te ngutuare, penei, ko te anoano'ia ake kia akaruru kotou ki reira me tupu ake tetai uria maata. I te maata'anga o te taime, ko te pi'a meangiti rava atu i roto i te are te pi'a meitaki, e kare e maata ana te au maramarama o reira.
- Kimi akapapu'ia te ngai tinamou e te ravenga no te tamate'anga i te vai, te uira e te gas.
- Kia kite katoa kotou i te au akanoonoo'anga e te au ravenga a te aronga na ratou i maani i te au apinga uira solar: e
- Oko'ia tetai au apinga puapinga no te tuatau kino pakari viviki kia vai papa ua, mei te:
 - te au vairanga vai inu no te akaputu kia rava te vai,
 - te penitini no to kotou apinga akaoro (akapapu'ia kia akaruke kotou ki tetai ngai meitaki)
 - te au teipi atea maata no te au maramarama, e te
 - au pute aao e pera te au pute aao one i arai i te au arā vai ngutuare e per ate vai o te are repo kia kore e ta'e mai.

3. Me e noo ana kotou ki tetai ngai e puke putuputu ana te vai:

- Akaputu'ia te au apinga poitini katoatoa ki tetai ngai teitei te kare e taena e te vai puke viviki.
- Kimi akapapu'ia atu te au apinga te ka anoano'ia kia vai ki te ngai teitei, me kore ra, kia riringi'ia te vai ki va'o me ka tupu ake te vai puke ki to kotou ngutuare.
- Akamanako meitaki ia teia au mea i raro ake nei:

- te au mea ke atu no te va'i ta'ua, eiaa te kapeti,
- te neke'anga i te au ngai akakaka uira, kia teitei atu ki runga atu i te ta'ua, e kia riro e, na tetai tangata e pepa tika'anga tona no te rave i te angaanga uira.

4. Me e noo ana kotou ki tetai ngai e tupu putuputu ana te matangi puaioio e te uria kino maata:

- Tamou'ia te au maramarama ki tetai au arai, me kore ra, ki te tapoki auri ei ravenga no te tauturu i te paruru i te tuatau me tupu ake te matangi a'angi Viviki; ma te
- Teatea-mamao i tetai tangata kite i te akatu are kia akara akapapu aia i te turanga o to kotou ngutuare, e te au mea te ka anoano'ia no te akamatutu atu i to kotou ngutuare kia matutu meitaki tikai i mua ake ka tupu ake tetai a'angi'anga matangi viviki ketaketa.
- Me akakite'ia mai te au tuatua akamatakite'anga no te matangi puaioio, me kore ra, no te uria te ka tupu:
- Tatara'ia te au apinga uira e te au aerial o te TV e to te ratio i va'o;
- Tamate'ia te ngai tinamou o te uira e te gas me akakite ia atu te reira e te aronga tei akamana'ia no te tuatau kino pakari viviki te ka tupu ake;
- Tapeka piri'ia te au apinga ngutuare i va'o mai i te are, e te au apinga o te aua tanutunu;

Cook Islands Maori

kia maara ua rai e

**Ko te teatea-mamao'anga i to kotou ngutuare te takainga puapinga maata
no to kotou ngutuare tangata kia papa ratou no te turanga ora e te rauka anga i te rave
i te au mea o te tuatau kino pakari viviki.**

Ko teia tata'anga, e tuatau akakitekite ua e kua raveia teia ma te ngakau tae meitaki tikai. Kāre te Department of Community Safety, te Emergency Management Queensland, te State Emergency Service e ariki i tetai atu aka'apa'anga me rokoia tetai tangata e te turanga kino e tona au apinga (e pera katoa te au kino tei tupu i muri mai) kia aia. Kāre katoa e ariki'ia tetai aka'apa'anga me kua irinaki tetai au tangata ki runga i telia au tuatau akamarama'anga.